



**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 4. Vtrum pœnitentia conuenienter diuidatur in pœnitentiam ante
baptismum, & in pœnitentiam post baptismum.

[urn:nbn:de:hbz:466:1-72898](#)

206 Quæst. 90. De partibus Pœnitentia in generali. Art. 4.

nem, Confessionem, & Satisfactionem, qua tres Pœnitentie partes dicuntur: aut dixerit duas tantum Pœnitentia esse partes, terores scilicet incusas conscientia, & fidem conceptam ex Euangelio, anathema sit.

Altera sententia est Caluini lib. 3. Instit. cap. 3. vbi, refutans sententiam Lutherorum, ponit duas alias partes, videlicet Mortificationem vitiiorum, & Vniificationem. Per Vniificationem intelligit studium bonorum operum, sicque ait pœnitentiam per totam vitam durare debere.

Sed hæc sententia absurdia est. Probatur: Quia pœnitentia est via ad iustificationem, cæque prior, vt colligitur Ezechielis 18. & 33. vbi dicitur, si pœnitentia egerit impius, omnium iniquitatum eius non recordabor amplius: atqui mortificatio illa, & vniificatione sunt posteriora iustificatione, nam sunt fructus fidei iustificantis, vt ipsi affirmant: ergo absurdè dicuntur partes Pœnitentia.

Tertia sententia est Catholicorum; Tria esse pœnitentis officia, seu Pœnitentia partes, Contritionem, Confessionem, & Satisfactionem; quas etiam naturalis ratio dicitat esse suo modo necessarias ad reconciliationem. Est fide tenenda. Patet ex Concilio Trident. citato, & ex Concilio Florentino, quod sic ait: Quartum Sacramentum est Pœnitentia, cuius quasi materia sunt actus pœnitentis, qui in tres distinguuntur partes, quarum prima est cordis contritus, ad quam pertinet ut doleas de peccato commissum proprio non peccandi de cetero: secunda est oris confessio: tertia est satisfactio.

Probatur Primò, Ex Scripturis: & Primò, Contritionem esse partem Pœnitentia. Patet Psal. 50. v. 19. Cor contritum & humiliatum non despices, id est, cor panitem. Ioëlis 2. v. 13. Scindite corda vestra. Secundò, Idem patet de Confessione Num. 5. Viri, siue mulier, cum fecerint ex omnibus peccatis, que hominibus solent accidere, confitebantur peccatum suum. Psal. 31. Dixi, confitebor aduersum me iniuriam meam Domino. 2. Esdræ 9. v. 1. Conuenerunt filii Israël in ieuiuio, & in faccis, & confitebatur peccata sua. 1. Ioan. 1. v. 9. Si confiteamur peccata nostra, fidetis est & iustus, ut remittat peccata nostra. Tertiò denique idem patet de Satisfactione, Ioëlis 2. v. 12. Conuertimini ad me in toto corde vestro, in ieuiuio, fletu, & planitu.

Probatur idipsum exemplis Scriptura: 2. Regum 24. describitur pœnitentia Dauidis ob numeratum populu, & dicitur primò, Percusit cor Dauid eum; vbi insinuat contritus: Secundò, Dixit Dauid ad Dominum, Peccavi valde in hoc facto; vbi confessio: Tertiò, Dauid placavit Dominū oratione, & subiectione ad flagella diuina, & holocausto; vbi cōspicitur satisfactio. Luçæ 15. vbi describitur pœnitentia filij prodigi: Primo, In se revertitur agnitione sua miseria, & dolore peccatorum: Secundò, Confitetur peccatum, Pater peccauit in celum & coram te: Tertiò, Offert se ad satisfactionem, fac me sicut unum ex mercenariis tuis. Idem confirmari potest testimonij Patrum, de quibus infra. Vide Chrysostomum sermone de Pœnitentia, qui habetur tomo 5. post decem Homilias de Pœnitentia. In corde, inquit, eius contritus est, in ore confessio, in opere tota humilitas.

Probatur Secundò, Ratione: Prima est, Pœnitentia est dolor, & punitio peccati, non solum ad æqualitatem iustitiae violatae instaurandam, sicut Iudex punit sontem; sed maximè ad reconciliacionem cum Deo obtinendā: atqui hoc interest inter punitionem Iudicis, & pœnitentiam reconciliati-

um peccatoris, quod ibi satis sit, si reus patiatur Differentia inter punitionem laicorum & clericorum. In Pœnitentiā autem reconciliatrice hoc nō sufficit, sed requiritur, ut is, qui alterum iniuriā affectus est, sponte penam subeat, & ad arbitrium eius, quem offendit. Ergo necessarium est primo, ut doleat de iniuriā illata: alioqui nō est dignus reconciliationis. Deinde, oportet ut subiiciat se penam ad arbitrium Dei, quæna iniuriā affectus: Deus autē nobiscum agit per suos ministros: ergo peccator debet se eius ministro subiucere, qui eius locum tenet. Hoc autem fieri non potest, nisi suas culpas ei per confessionem aperiat: unde secundo loco requiritur confessio: tertio satisfactio. Colligitur hæc ratio ex D. Thoma art. 3.

Secunda Ratio: Pœnitens recurrat ad Deum cum proposito emendationis, sicut seruus ad Dominum, iuxta illud Psalmi 122. v. 2. Sicut oculi seruorum in manibus dominorum suorum, ita oculi nostri ad Dominum Deum nostrum, donec misereatur nostri. Et sicut filius ad patrem (Luçæ 15. v. 18. Pater peccauit in calum & coram te) & sicut vxor ad virum (Terciæ 3. v. 1. Fornicata es cum amatoribus multis, tamen reuertere ad me, dicit Dominus.) Atqui quando seruimus dominis, liberi cum parentibus, uxores cum viris in gratiam redeunt, hec tria dictante ratione naturali præstant. Dolent enim se offendisse, fatigantur suam culpam, denique penam & castigationem subiiciunt, vel veniam precantur: ergo hæc tria sunt veræ pœnitentia partes, quas Deus in noua lege ad Sacramenti dignitatē euexit; ut infra magis constabit.

ARTICVLVS IV.

Vtrum Pœnitentia conuenienter diuidatur in Pœnitentiam ante Baptismum, & in Pœnitentiam post Baptismum?

Pœnitentiam in genere diuidit D. Thomas tamquam in suas species, in Pœnitentiam ante Baptismum, per quam int̄editur generatio in nouitatem: & in Pœnitentiam post Baptismum, qua duplex est: videlicet Pœnitentia mortalitatis, per quam intenditur reformatio vita præteritæ iam corruptæ; & Pœnitentia venialium, per quam intenditur maior perfectio, & maius studium honorum operum. His adde aliam diuisionem Pœnitentia mortalium post Baptismum, de qua D. Tho. in Additionibus q. 28. Alia enim est priuata, quæ videlicet in occulto agitur: alia Publica, Rursus Publica, alia est Solemnis, alia non solemnis.

Pœnitentia publica solemnis, habebat has conditiones. Primò, Semel tantum in vita imponebatur: vt sex conditio patet ex Ambr. l. 2. de Pœnit. c. 10. & Augustino epist. 54. & Origene hom. 15. in Leuit. Et Ratio nitenientia publica, est, tum ut pluris fieret, tū quia erat solemnis quædam profectio nunquam amplius redeundi ad illa grauia crimina. Sicut Baptismus est solemnis quædam profectio nunquam redeundi amplius ad infidelitatem. Quid si accidebat talem rursus relabi in similia crimina, priuabatur communione Sacramentorum usque ad mortem; vt patet ex c. 5. epistola 1. Syrici Papæ.

Secundò, Non iniungebatur nisi ob grauissima & publica crimina; vt homicidia, adulteria, idolatria &c. vt patet ex Conc. Toletano I. can. 2.

Tertiò,

3
Sententia
Caluini,

Rejicitur.

4
Sententia
Catholica
est, tres esse
partes po-
nitentia.

i. Prob.
ex Script.

Exempla
Scripturae.

5
Prob.
Ratione.

Tertio, Non poterat imponi Sacerdotibus: neque illi qui penitentiam publicam egerant, poterant ad Ordines promoueri; vt patet ex cap. 14 epistole Syrici ad Himmericum Tarraconensem Episcopum. Nec etiam coniugatis, sine consentia alterius coniugis: nam à complexu coniugali tales penitentes abstinere debebant; vt patet ex Concilio Arelateni 2. can. 21. & 22.

Quarto, A solo Episcopo imponebatur, & ab eodem soluebatur, non autem Presbyteris, nisi in absentia Episcopi, idque urgente necessitate; vt patet ex Concilio Carthaginensi 2. cap. 18 & ex epistola 86. D. Leonis.

Quinto, Imponebatur feria 4. ante Dominicā Quadragesima; vt patet ex Concilio Agathensi apud Gratianum dist. 50. Cán. In capite. In cuius signum confignantur adhuc fideles eodem die cineribus. In die autem Cœna Domini omnes reconciliabantur & communicabant, idque singulis annis, donec tempus penitentia esset expletum, quod quibusdam longius, alijs brevius constituebatur, vt trium, septem, decem, vel duodecim annorum; vt patet ex eodem loco.

Sexto, Erant variae poenæ. **Prima**, Abstinere à communione Eucharistia, præterquam in Cœna Domini; vt patet ex Cypriano epist. 8. **Seconda**, Non poterant unquam promoueri ad Clerum, vt patet ex dictis. **Tertia**, Abstinere à nuptijs. Indulgebatur tamē interdum adolescentibus ad vitam fornicationem; vt patet ex epist. 92. cap. 12.

9
Duodecim
penitentia
publica
panis
sennitum.

IN ADDITIONES D. THOMÆ.

QVÆSTIO PRIMA.

De Contritione, quæ est prima pars Sacramenti Pœnitentiaæ.

Quid sit Contritio?

Notandum est, Concilium Tridentinum less. 14. can. 4. definire *Contritionem* generatim hoc modo, *Contritio est animi dolor, ac detestatio de peccato commissio cum proposito non peccandi de cetero*. Circa quam definitionem sunt aliquot dubia.

D V B I U M . I.

Vtrum Contritio essentialiter sit detestatio, an dolor?

HI actus sunt distincti. *Detestatio enim est odium, & opponitur amori, seu complacientia. Dolor autem, seu tristitia oritur ex detestatione mali, si ipsum malum sit praesens, & opponitur gaudio.*

Caietanus Reipondeo: Quidam putant *Contritionem* propriè & essentialiter esse *detestationem*: *Dolorum* verò esse effectum contritionis. Ita Caietanus Opusculo de *Contritione* qu. 1. Dominicus Soto dist. 17. quæst. 2. art. 1. Ratio ipsorum est: Quia *contritio* est primus actus pœnitentiaæ: atqui dolor non potest esse primus actus, nam oritur ex dispiacentia, & odio.

Sed contrarium videtur esse verius, scilicet *Contritionem* propriè esse *Dolorum de peccato com-*

missio. **Primo**, Quia ipsum nomen afflictionem & dolorem insinuat. **Secundo**, Quia pœnitere formaliter est *dolere*, non *detestari*: atqui contritio formaliter est *pœnitentia*; ergo formaliter est *dolor*.

Contritio propriè est dolor, non detestatio.

Tertio, Quia in Beatis est dispiacentia peccatorum olim commissorum, non tamen in illis est *contritio*, quia non est in illis dolor, cum eius non sint capaces, propter statum.

Aduerte tamen, *Dolorum non posse esse sine detestatione mali*, de quo doletur; & ideo Concil. Tridentinū suprà less. 14. can. 4. verumque posuit. Dices: Ergo, si quis detestatur peccata sua sine teneore dolore, non legitimè pœnitetur. Respondeo: Fieri nequit in hac vita, ut quis serio detestetur sua peccata in ordine ad reconciliationem, quin simul doleat: nam detestatio seria mali, quod concipiatur adesse, necessariò parit dolorem; sicut amor boni presentis necessariò parit gaudium. Si tamen ponamus non interuenire dolorem, non erit pœnitentia, vt patet in Beatis.

Ad Rationem in contrarium: Etsi dolor non fit primus actus habitus pœnitentie absolutè considerati, est tamen primus actus ipsius quatenus dicitur *Pœnitentia*. Adde nec ipsam detestationem esse primum actum illius habitus, vt patet ex supra dictis.

S F F

D V B .